



VISCHNAUNCA DA BREIL

INVITAZIUN

2. Radunonza dil cussegl da vischnaunca

**Gievgia, ils 26 da mars 2026 allas 20.00 uras
ell'aula dalla casa da scola a Breil**

Tractandas

1. Approbaziun dil protocol dalla seduta dil cussegl dils 30 da schaner 2026
2. Elecziun da differentas cumissiuns (2026 – 2029)
 - a) cumissiun da baghegiar
 - b) cumissiun lavur da giuventetgna
 - c) cumissiun da meglieraziun
3. Tractaziun ed approbaziun digl alzament dil pensum dil menader da scola
4. Tractaziun dil credit d'impegn pil tschaler da schurmetg a Breil
5. Orientaziun davart rapport giuridic en connex cun las elecziuns communalas dils 15 da zercladur 2025
6. Orientaziun davart il stan dall'organisaziun communal
7. Elecziun d'ina cumissiun per il project nova organisaziun communal
8. Orientaziun – niev biro electoral
9. Varia

Suprastonza communal Breil/Brigels

President communal
Roman Flepp

Canzlist communal
Simon Collenberg



VISCHNAUNCA DA BREIL

Protocol dil cussegl da vischnaunca Breil


Nr. 01 dils 30 da schaner 2026



VISCHNAUNCA DA BREIL

Protocol dalla seduta dil cussegl da vischnaunca dils 30 da schaner 2026 allas 20.15 uras a Vuorz.

Presenza:	10 commembers dil cussegl 3 suppleants cun dretg da votar
Perstgisas:	Andrea Cathomas-Friberg, Dardin Cornelia Deplazes, Breil-vitg Annadora Friberg, Danis
Substituts presents:	Patrick Albrecht, Dardin (dretg da votar) Ivan Muoth, Breil (dretg da votar) Ermanno Tuor, Danis (dretg da votar) Cedric Spescha
Hosps:	7 persunas
Cumissiu da gestiun:	Andreas Cadonau, Vuorz Daniel Jörg, Breil Sonja Tenner-Alig, Breil-vitg
Representants dalla suprastanza:	Roman Flepp, president communal Adrian Bergamin, genau Heini Hunger, genau Ramon Schmed, genau Pascal Spescha, genau
Presidi:	Rolf Sgier, president dil cussegl
Actuar:	Fabian Collenberg, canzlist ad interim
Tractandas:	1. Approbaziun dil protocol dalla seduta dil cussegl dils 18 da november 2025 2. Elecziun dalla suprastanza dil cussegl per la perioda d'uffeci 2026 a) president/a dil cussegl b) vicepresidente/a dil cussegl c) actuar dil cussegl d) dumbravuschs dil cussegl (entira perioda 2026 – 2029) 3. Elecziun dallas differentas cumissiuns e delegai (2026-2029) a) vicepresidente communal b) cumissiu da baghegiar c) cumissiu da fiug d) cumissiu da biblioteca e) cumissiu lavur da giuventetgna f) cumissiu da cultura g) cumissiu arcun Vuorz h) delegau SANA Surselva i) delegai casa da tgira Sutsassiala j) delegau Pro Lucmagn



VISCHNAUNCA DA BREIL

- k) delegau Corporaziun dallas vischnauncas
concessiunarias dallas Ovas Reinanteriur SA
- 4. Revisiun parziala dalla lescha da fatschentas
- 5. Varia

Beinvegni ed avertura

Roman Flepp arva sco president communal l'emprema seduta dil cussegl da vischnaunca per la nova perioda d'uffeci ed empeila quella entochen ch'il president dil cussegl ei elegius. Suandont quella obligaziun salida e beneventa il president Roman Flepp las cusseglieras ed ils cussegliers all'emprema seduta dalla nova perioda d'uffeci. El ha grond plascher d'astgar beneventar ils presents. El gratulescha per l'elecziun ed engrazia a tuts per la prontadad da s'engaschar per fatgs communs en in gremi. El selegra e spera sin ina buna collaboraziun. El explichescha davart sias empremas jamnas sco president communal. Denter auter ha el astgau constatar ch'il persunal lavura cun gronda premura e ch'il pensum dil cau communal ei fetg multifars. El selegra sin la collaboraziun cun la suprastanza communal, il cussegl da vischnaunca, las collaboraturas ed ils collaboraturs.

La gliesta da tractandas, la quala ei vegnida tarmessa tier cun l'invitaziun, vegn suttamessa alla discussiun. Demai ch'ei vegn buca fatg diever da tala ei la gliesta per la seduta da questa sera ligionta.

Sco dumbravuschs vegnan Franco Cavigelli ed Angela Gulli elegi unanimamein. Sco actuar elegia il cussegl il canzlist communal.

1. Approbaziun dil protocol dalla seduta dil cussegl dils 18 da november 2025

Il protocol ei vegnius tarmess allas cusseglieras ed a tuts cussegliers. Il president communal suttametta quel alla discussiun. Da tala vegn buca fatg diever. Consequentamein vegn il protocol approbaus unanimamein.

2. Elecziun dalla suprastanza dil cussegl per la perioda d'uffeci 2026

a) president/a dil cussegl

Il vischinadi d'Andiast fa la proposta d'eleger Rolf Sgier sco president dil cussegl. Quella proposta vegn suttamessa alla discussiun ed ei vegn dau la pusseivladad da far autras propostas. Da quella pusseivladad vegn buca fatg diever ed aschia vegn passau tier l'elecziun.

Cun tscharna unanima vegn Rolf Sgier elegius sco president dil cussegl da vischnaunca per igl onn 2026.

Il niev elegiu president engrazia per la confidanza e l'elecziun. El fa attents sin las obligaziuns dil cussegl da vischnaunca es spera sin sustegn dils cussegliers duront siu onn preisdial sco era sin ina buna collaboraziun cun la suprastanza communal. Cun quels plaids passa el alla deliberaziun dallas tractandas tenor gliesta approvada.

b) vicepresidente/a dil cussegl

Per igl uffeci da vicepresidente vegn fatg la proposta sin cusseglier Pieder Blumenthal da Danis. Autras propostas dat ei buca.

Cun tscharna unanima vegn el elegius per la perioda d'uffeci 2026.



VISCHNAUNCA DA BREIL

c) actuar dil cussegl

Sco actuar propoia la suprastanza communal il canzlist communal. Cun tscherna unanima vegn el elegius per la perioda d'uffeci 2026.

d) dumbravuschs dil cussegl

Vischinadis e suprastanza han fatg neginas propostas. Perquei vegn dau liber da far propostas per dus dumbravuschs. Ord il miez dil cussegl vegn fatg la proposta sin Franco Cavigelli da Danis e Angela Gulli d'Andiast. Cun tscherna unanima vegnan els elegi sco dumbravuschs per la perioda d'uffeci 2026 – 2029.

3. Elecziun dallas differentas cumissiuns e delegai (2026 – 2029)

Per la perioda d'uffeci 2026 – 2029 ha il cussegl d'eleger las differentas cumissiuns e delegai. La suprastanza ha preparau tier quellas elecziuns e tarmess cun igl invit las differentas propostas. Ei vegn dau la pusseivladad da far ulteriuras propostas. Il cussegl fa per tut las differentas cumissiuns e delegai neginas ulteriuras propostas ed aschia vegnan las suandontas persunas elegidas.

a) vicepresidente communal

Adrian Bergamin, Danis

b) cumissiun da baghegiar

Ramon Schmed, Breil-vitg president

Silvan Brunner, Vuorz

Damian Schlosser, Andiast

Roman Venzin, Danis

vacant

Sin la damonda daco che la menadra digl uffeci da baghegiar fa buca part alla cumissiun da baghegiar rispunda genau Ramon Schmed che la menadra vegni vinavon a far part allas sedutas denton cun vusch consultativa.

c) cumissiun da fiug

Pascal Spescha, Andiast president

Maik Defuns, Danis

Laurin Hosang, Breil-vitg

Livio Pally, Tavanasa

d) cumissiun da biblioteca

Sabrina Battista, Danis

Evelina Giger, Curaglia representanta scola

Flavia Schuoler, Dardin

Nathalie Spescha, Danis

e) cumissiun lavur da giuventetgna

Ramon Schmed, Breil-vitg

Pascal Spescha, Andiast

Maria Luisa Middea, Andiast



VISCHNAUNCA DA BREIL

f) cumissiun da cultura

Patrick Albrecht, Dardin
David Flepp, Danis
Michael Friberg, Breil-vitg
Angela Gulli, Andiastr
Marc Pfister, Vuorz

g) cumissiun arcun Vuorz

Roman Flepp, Breil-vitg
Guido Dietrich, Vuorz
Regula Grischott, Malans
Marc Pfister, Vuorz

h) delegai SANA Surselva

Adrian Bergamin, Danis

i) delegai casa da tgira Sutsassiala

Roman Flepp, Breil-vitg
Adrian Bergamin, Danis
Pius Monn, Danis
Ramon Schmed, Breil-vitg

j) delegau Pro Lucmagn

Roman Flepp, Breil-vitg

k) delegau Corporaziun dallas vischnauncas concessiunarias dallas Ovrar Reinanteriur SA

Roman Flepp, Breil-vitg

Per il post vacant ella cumissiun da baghegiar vegn la suprastanza communal aunc ad encurir in candidat valabel. Plinavon enquera la suprastanza communal aunc commembers per las ulteriuras cumissiuns cun sezs vacants. Las propostas d'elecziun vegn la suprastanza communal a suttametter al cussegl da vischnaunca.


4. Revisiun parziala dalla lescha da fatschentas

Il president dil cussegl tschenta la damonda d'entrar en la tractanda ed arva la discussiun. Da tala vegn buca fatg diever. Aschia ei l'entrada decidida e la fatschenta sa vegnir tractada.

Il president communal presenta la fatschenta.

La lescha da fatschentas dalla vischnaunca da Breil ei vegnida approvada ils 28 da fevrer 2018 dil cussegl da vischnaunca. Ils art. 50 – 51 dalla lescha da fatschentas determineschan ils detagls pertuccont la repartiziun dallas incaricas sin ils singuls commembers dalla suprastanza communal. All'entschatta d'ina perioda d'uffeci reparta l'executiva ils departaments e las spartas administrativas sin ils commembers da suprastanza e regla la substituziun. Ils differents secturs dall'administraziun communal ein tenor art. 51 reparti sin ils tschun departaments:

1. Finanzas
2. Agricultura, forestalessen, serenaziun dad auas piarsas e provediment d'aua



VISCHNAUNCA DA BREIL

3. Educaziun e sanitad
4. Baghegiar e stradalesser
5. Traffic, economia e turissem

Tier la tractaziun dalla repartiziun dallas spartas administrativas resp. dils departaments ha la suprastanza communal constatau ch'ei fuss sebasond sin las cumpetenzas ed experientschas dils commembers dalla suprastanza prudent da far in'otra repartiziun. Per quei motiv ha la suprastanza communal decidu en sia seduta dils 12 da schaner 2026 da proponer al cussegl da vischnaunca ina revisiun parziala dalla lescha da fatschentas per aschia saver scaffir la basa legala per ina repartiziun nova. Dalla revisiun ein sulettamein ils art. 50 e 51 dalla lescha da fatschentas pertuccai. Ils numnai artechels dueien vegnir revedi sco suonda:

Art. 50

Repartiziun dallas incaricas La suprastanza communal reparta mintgamai all'entschatta d'ina perioda d'uffeci ils departaments e las spartas administrativas sin ils singuls commembers da suprastanza e regla la substituziun. En cass d'ina mutaziun persunala ni dil departament vegn la surdada d'uffeci reglada dils pertuccai.

Tier fatschentas che tangheschan la cumpetenzza da differents departaments decida la suprastanza communal tgei departament ch'ei responsabels per la tractaziun.

Ei ina cunvegientscha tier la repartiziun *dallas partiziuns administrativas resp.* dils departaments buca pussevla, decida la cumissiun da gestiun definitivamein.

Art. 51


Departaments Ils differents secturs dall'administraziun communal vegnan *reparti entras la suprastanza communal* sin 5 departaments. ~~eun las suandentas spartas:~~

~~1. Finanzas~~

- ~~• fatschentas generalas~~
- ~~• survigilanza dallas finanzas~~
- ~~• survigilanza dall'administraziun~~
- ~~• survetsch polizial~~
- ~~• survigilanza giuridica~~
- ~~• cudisch funsil~~

~~2. Agricultura, forestalessar, serenaziun dad auas piarsas e providiment d'aua~~

- ~~• agricultura~~
- ~~• meglieraziuns da funs~~
- ~~• dismessa da cadavers~~
- ~~• alps e pastiras~~
- ~~• forestalessar~~
- ~~• dismessa e serenaziun dad auas piarsas~~
- ~~• providiment d'aua~~



VISCHNAUNCA DA BREIL

- ~~lavineras~~

~~3. Educaziun e sanitad~~

- ~~scolas~~
- ~~formaziun professiunala~~
- ~~cultura e temps liber~~
- ~~casas da tgira~~
- ~~spital~~
- ~~ovras socialas~~
- ~~tgira ambulonta~~

~~4. Baghegiar e stradalesser~~

- ~~uffeci da baghegiar~~
- ~~edificis communalis senza serenera~~
- ~~vias~~
- ~~illuminaziun publica~~
- ~~parcadis~~
- ~~punts e rompars~~
- ~~santeris~~


~~5. Traffic, economia e turissem~~

- ~~economia~~
- ~~turissem~~
- ~~pumpiers~~
- ~~polizia da fiug~~
- ~~dismessa da rumien e deponias~~
- ~~protecziun civila e militar~~
- ~~plazzas da sport~~

Cun la revisiun vegn concediu alla suprastanza communal la libertad da reparter las incaricas. Entras quei ei la suprastanza communal flexibla e sa nezegiar a moda optimala la savida e las experientschas dils commembers dall'executiva. La populaziun duei vegnir orientada davart la repartiziun dils departaments e dallas spartas administrativas cun igl organ da publicaziun uffical e cun ulteriurs mieds da communicaziun adattai. La revisiun duei entrar retroactivamein igl 1. da schaner 2026 en vigur legala.

La suprastanza communal propona al cussegl da vischnaunca d'approbar la revisiun parziala dalla lescha da fatschentas e da metter en vigur ella retroactivamein naven digl 1. da schaner 2026.

La discussiun vegn dada libra. Suenter ina viva discussiun approbescha il cussegl cun 7 encunter 6 vuschs la revisiun parziala dalla lescha fatschentas.



VISCHNAUNCA DA BREIL

5. Varia

Il president dil cussegl supplichescha la cusseglieras ed ils cussegliers d'amplificar la gliesta cun las datas da contact.

Cussegliaer Pieder Blumenthal damonda cura che la cumissun da scola vegn elegida. Gerau Ramon Schmed declara che tala elecziun succedi cun il niev onn da scola.

Cussegliaera Mengia Risch damonda schebein ei fuss ei avegnir pusseivel da tarmetter ils acts per e-mail. Il parsura dil cussegl damonda il cussegl schebein zatgi ei encunter quei agir. Il cussegl va d'accord cun quella poposta. Consequentamein vegnan ils acts egl avegnir tarmess sia via electronica.

Cussegliaer Toni Pfister damonda pertuccont il stan dalla via da colligiazion denter Breil e Vuorz. La suprastanza communal orientescha che las lavurs preparatorias per las proximas lavurs seigien lantschadas. En quei connex vegn collaborau stretgamein cun il biro d'inschignier incaricau ed il giurist da vischnaunca.

Cussegliaer Patrick Albrecht fa attents sin l'impurtonza per ils collaboraturs communals da haver informaziuns pertuccont la repartiziun dils departaments.

Il parsura communal ha capientscha per quei e declara ch'ei segi entochen oz muort munconza dalla basa legala buca stau pusseivel da comunicar la repartiziun dallas incumbensas.

Cussegliaer Christian Friberg fa era attents sin l'impurtonza da haver informaziuns detagliadas pertuccont la repartiziun dils departaments.

Gerau Adrian Bergamin declara ch'ins hagi buca saviu tradir quella repartiziun muort munconza dalla basa legala.

Il president Rolf Sgier engrazia per la preschientscha e la participaziun, e giavischa allas cusseglieras ed als cussegliers in bien retuorn a casa e siara la seduta allas 21.15 uras.

Breil, ils 2 da fevrer 2026

Il president

Igl actuar



VISCHNAUNCA DA BREIL

Tractanda 2: Elecziun da differentas cumissiuns

1. Cuntegn e ponderaziuns

A caschun dalla seduta dil cussegl da vischnaunca dils 30 da schaner 2026 han giu liug las elecziuns en las differentas cumissiuns. Il cussegl da vischnaunca duei a caschun dalla proxima seduta aunc eleger ils sezs ch'ei aunc buca occupai.

a) cumissiun da baghegiar

La suprastonza fa la suandonta proposta per la cumissiun da baghegiar:
Silvan Montalta, Breil-vitg, commember

b) cumissiun lavur da giuventetgna

La suprastonza fa las suandontas propostas per la cumissiun lavur da giuventetgna:
Melanie Carigiet, Dardin
Annadora Friberg, Danis

c) cumissiun da meglieraziun

La suprastonza fa la suandonta proposta per la cumissiun da meglieraziun:
Heini Hunger, Vuorz

2. Proposta:

Proposta per mauns dil cussegl da vischnaunca dad eleger las surnumnadas personas ellas cumissiuns menziunadas cheusura.



VISCHNAUNCA DA BREIL

Tractanda 3: Tractaziun ed approvaziun dil alzament dil pensum dil menader da scola

1. Cuntegn e ponderaziuns

La scola da Breil cumpeggia duas casas da scola, 170 scholaras e scholars e treis scalems (scoletta, scola primara e scola superiura). Actualmein ein 35 persunas d'instrucziun engaschadas tier la scola.

Il camp d'incumbensas dil menader da scola dalla scola populara svizra resp. grischuna, il qual ei responsabels per ina scola cun tuts treis scalems (scoletta, primara, superiura), cumpeggia ils suandonts 10 puncts:

- Menar la scola e l'instrucziun ord vesta strategica
- Menar e sviluppar il persunal
- Organisaziun dalla scola e lavurs d'administraziun
- Sviluppar vinavon la scola, segirar la qualitat e far diversas evaluaziuns
- Garantir la sanadad, la segirtad ed igl equilibr en la scola
- Collaboraziun culs geniturs, culla vischnaunca e cun autras scolas
- Management da crisis e midadas da process
- Obligaziuns e pensums tenor leschas vertentas
- Promover l'innovaziun
- Collaboraziun cun la cumissiun da scola

Il tgamun dalla scola da Breil e sias incumbensas

Igl ei enconuscent ch'il pensum da lavur e las pretensiuns enviers il menader da scola creschan successivamein e cuntinuadamein. Quei schai denter auter vid ils suandonts facturs:

- La scola retscheiva adina dapli incaricas (cantun, societad, politica).
- Las pretensiuns e las aspectativas ein s'augmentadas.
- L'organisaziun dalla scola daventa adina pli voluminusa e complexa (p.ex. entras munconza da persunal ed entras quei adina dapli pensums parzials dallas persunas d'instrucziun, transports scholaras e scholars cun mieds publics).
- Las lavurs en connex cul management dallas persunas d'instrucziun (accumpignaments, cussegliaziuns, coaching, scolaziun e formaziun, introducziun ellas plazzas, management d'absenzas) han priu tier.
- Ils cass specials ch'ei da tractar – seigi quei scholaras/scholars, geniturs ni persunas d'instrucziun – daventan adina pli numerus, intensivs e complexs cun adina dapli persunas dil fatg ch'ei involucadas (sco p.ex. survetsch psicologic, survetsch logopedic, survetsch ortopedagogic, lavur sociala da scola, miedis specialisai).
- Las lavuras administrativas ein carschidas (denter auter adina dapli documentaziuns e rapports a scret, evaluaziuns, optimar la qualitat).

Sin fundament dils facturs menziunai cheusura tonscha il pensum da lavur per la direcziun dalla scola (60% pil menader da scola e 40% pil secretariat) buca pli per ademplir las incumbensas e las pretensiuns. Sururas dil menader da scola e dil secretariat s'audan oz tier il mintgadi. Quei fatg ed ils surmenziunai facturs muossan ch'igl ei indicau d'augmentar il



VISCHNAUNCA DA BREIL

pensum dil menader da scola per 20%. Cheutras eisi pusseivel d'ademplir la lavurs e las pretensiuns enviers la direcziun dalla scola Breil.

En connex cun quei augment eisi cunzun da menziunar ch'ei ha dau neginas midadas dapi la fusiun. Las prescripziuns surordinarias ein denton d'aventadas pli cumplicadas. Sper las incumbensas ordinarias ein ulteriuras tematicas vegnidas vitier ils davos onns, cun las qualas la direcziun dalla scola ha da s'occupar. Cheutier s'audan la meisa da miezdi, l'organisaziun dils transports sco era la direcziun da dapli persunas d'instrucziuns. Plinavon dispona la scola Breil da dus loghens (Danis e Breil) quei ch'ei medemamein cumbinaw cun dapli lavur pil meinascola.

Concludend san ins pia dir ch'il pensum dalla direcziun dalla scola ei ozildi pli vasts, complexs e cumpeglia dapli lavur. In augment da 20% tier il tgamun dalla scola da Breil ei aschia indispensabels.

2. Proposta:

Proposta per mauns dil cussegl da vischnaunca d'augmentar il pensum dil menader da scola naven da 60% sin 80% naven dil proxim onn da scola 2026/2027 (1. d'uost 2026).



VISCHNAUNCA DA BREIL

Tractanda 4: Tractaziun dil credit d'impegn pil tschaler da schurmetg a Breil

1. Cuntegn e ponderaziuns

Descripziun dil project

Il tschaler da schurmetg, situau tier la scola da Breil, ei vegnius endrizzaus igl onn 1977 oriundamein sco post da commando respectivamein sco implont dalla protecziun civila dil tip KP II / BSA II. La vischnaunca da Breil ei vegnida informada digl Uffeci da militar e protecziun civila che quei object vegn egl avegnir buca pli nezegiaus per la protecziun civila. Enstagl vegn igl object transformaus en in refugi public.

Per las lavurs da planisaziun concernent la midada d'utilisaziun ei la firma specialisada Mengeu SA responsabla. Suenter la midada d'utilisaziun survescha quei object sco refugi public per 261 personas. La cuschina, il reservuar d'aua sco era las installaziuns sanitarias stattan vinavon a disposiziun, aschia che la vischnaunca sa far diever da tala infrastruttura tier cass urgents. Ils anteriurs locals dalla transmissiun, che survevan pli baul pil post da commando, vegnan baghegiai entuorn en localitads cun letgs.

La midada d'utilisaziun ha per consequenza ch'ei dat entginas midadas organisatoricas. La vischnaunca resta sco tochen da cheu proprietaria dil refugi public. Igl object vegn denton egl avegnir buca pli menaus ni nezegiaus dalla protecziun civila. Aschia retscheiva la vischnaunca era neginas contribuziuns pauschalas per las lavurs vid il manteniment. Il material che s'auda alla protecziun civila ei gia vegnius allontanau. Priu il cass che la vischnaunca lai a tscheins igl object a tiarzas personas, ei ella responsabla che las prescripziuns da protecziun encunter fiug vegnan risguardadas.

Basa legala e cuosts dil project

Sin fundament dalla lescha federala davart la protecziun dalla populaziun e davart la protecziun civila artechel 61 alinea 3 ei la vischnaunca obligada da metter a disposiziun plazz pil refugi public. Pil mument ha la vischnaunca Breil memia paucs plazzs.

Igl Uffeci da militar e protecziun civila ha gia priu enconuschientscha dil project elavuraus entras la firma Mengeu SA. Ella ha dau liber il project sco presentau. Ils cuosts pil project muntan a frs. 273'156.60. La contribuziun (Ersatzbeiträge) per quei project ei cuntenida ella bilanza sut il capital jester. Igl Uffeci da militar e protecziun civila ha medemamein dau il consentiment per questa contribuziun.

Sebasond sin la lescha da finanzas ei il cussegl da vischnaunca sco gremi cumpetent obligaus da tractar questa fatschenta e da conceder in credit d'impegn.

Concludend san ins pia dir ch'ei dat ina midada d'utilisaziun tier il tschaler da schurmetg a Breil. Quel vegn duvraus egl avegnir sco refugi public per cass urgents. Cheutras sa la vischnaunca puspei metter a disposiziun avunda plazz ed aschia ademplir las leschas vertentas.




VISCHNAUNCA DA BREIL

2. Proposta:

Proposta per mauns dil cussegl da vischnaunca da conceder in credit d'impegn ella summa da frs. 274'000.- (rundau si) per la midada d'utilisaziun tier il tschaler da schurmetg, situaus tier la scola a Breil.

La fatschenta vegn aunc suttamessa al referendum facultativ (art 21 constituziun communal)



VISCHNAUNCA DA BREIL

Tractanda 7: Elecziun d'ina cumissiun per il project nova organisaziun communal

1. Cuntegn e ponderaziuns

L'organisaziun communal funcziunescha fetg bein ed ei regia in bien clima da lavur. Tier quella s'auda denter auter l'administraziun communal, la quala survescha sco center per las lavurs organisatoricas ed administrativas. L'administraziun communal funcziunescha medemamein fetg bein. Ella dispona d'in cumpetent e segideivel team, il qual s'identifichescha cun la vischnaunca sco patrun da lavur e che fa di per di fetg buna lavur.

Actualmein ei l'administraziun communal denton cunfrontada cun pliras sfidas sco quei ei era tier autras vischnauncas il cass. Cheutier s'audan per exempel la digitalisaziun, novas prescripziuns surordinarias sco era dapli lavur, la quala vegn adina pli complexa. Ultra da quei eisi dad elavurar novas leschas sco era da far entginas revisiuns. El rom dalla digitalisaziun ha l'administraziun communal lantschau ils emprems pass. Quei project vegn denton aunc a caschunar bia lavur.

Ina ulteriura tematica che schai a cor alla suprastanza communal ei da definir e precisar las cumpetenzas enteifer l'entira organisaziun communal per cheutras scaffir bunas cundiziuns da rama pigl avegnir.

Sin fundament dallas tematicas menziunadas ha la suprastanza communal decidu dad instradar ils proxims pass per sviluppar vinavon l'organisaziun communal ed aschia lantschau il project "nova organisaziun communal". En connex cun quellas lavurs vegn la suprastanza communal accumpignada dil biro Curia, entras ils specialists da vischnaunca Fabian Collenberg e Tino Zanetti da Curia. Els dus vegnan a presentar a caschun dalla seduta dil cussegl da vischnaunca la situaziun da partenza, las finamiras dil project sco era ils proxims pass. Pil project vegn ina cumissiun eligida, la quala representa ils interess dalla politica sco era dall'administraziun communal. Quella elavura ils acts per la nova organisaziun communal che surveschan silsunter als gremis politics sco basa da decisiun.

a) cumissiun per il project nova organisaziun communal

La suprastanza fa la suandonta proposta per la cumissiun per il project nova organisaziun communal

Roman Flepp, president communal

Simon Collenberg, canzlist communal

Rolf Sgier, president dil cussegl da vischnaunca

Pieder Blumenthal, vice-president dil cussegl da vischnaunca

Luzi Pfister, commember dil cussegl da vischnaunca.

Accumpignament: Fabian Collenberg e Tino Zanetti da Curia

2. Proposta:

Proposta per mauns dil cussegl da vischnaunca dad eleger las surnumnadas personas ella cumissiun cheusura e dad incaricar els cun lavur "nova organisaziun communal".

Als acts vegnan silsunter suttamess als gremis cumpetents sco basa da decisiun.